

621.3435
084
11

西平縣志

吳園生署



西平縣志序

西平爲禹貢豫州大陸之地柏皇氏遺封於此春秋時爲柏子國左氏傳所謂柏與江黃道並睦於齊者也漢置西平縣歷朝湮革分隸不同要之皆柏國地也漢地志稱西平俗急疾有氣勢隋志謂人性躁勁風氣果決尙淳質好儉約吾嘗過其地男耕女織其人皆尙節義重廉恥流風遺俗至今蓋未替也粵稽明時成化嘉靖諸志蕩佚無存清初王鳴燦所創修者亦不可復見惟康熙九年邑宰沈棻所著之志稿閱三十年始繕定鋟行至今相隔二百四十餘載矣文

獻缺略多不可徵邑人士以閱時愈久搜緝愈艱乃公議續修而請陳君子衡任其役今觀其所訂體例有正志有附志正志分列輿地氏族經制文獻故實五門悉關乎土地人民政事之大者附志則文獻一門而已君以詩文汎濫廁之正志有乖史例然其中亦有足與正志相參證而不可盡廢者故別爲一編附之志後此則君之特識也竊嘗考周禮大司徒所屬土訓誦訓二職寔爲今方志之權輿其所謂地圖則志之輿地也地事則志之經制也地物則志之氏族文獻也地俗地厯則志之故實中風俗方言災異

匪劫諸篇皆是也星野之說亦出於周禮保章氏春秋之時多據星宿躔次以覘國勢之勝敗存亡歷代儒先敬守其說至今無以爲非者自天文家以經緯度推測天地星野之說遂棄而不復用此志仍存星野舊說附於經緯度新法之下參互印證亦考古者所不廢也長沙丁氏謂西平緯度爲北三十三度二十五分經度爲京師偏西二度二十一分地勢平衍羣山森列則萃於西南一隅縣治踞洪河東南岸上河流交匯環城半週狀如幞頭故城外西南隅號稱幞頭灣也南望諸石紅石諸山鬼谷子之遺跡猶有

存焉者乎登龍泉寺山東之走馬嶺畢然想見漢名
臣郅君章演武之盛今之用武者尙有智勇如君章
以佐平世亂者乎訪九女山東治鑪城問古治子鑄
劍之法古之所謂棠谿利器者今果能施於用焉否
也陳君博學多文觀其續修之作體例嚴正詳簡有
法度蓋因也而寔創矣一日手其書徵序於余余再
三觀玩歎爲邑志之所僅見故樂爲之序俾後之人
取法焉癸酉歲春正月清史館總纂新城八十三叟
王樹枏

西平縣志評識

西平縣志自康熙以來失修者且二百餘年子衡乃從二百餘年之後追溯而蒐討之使廢墜咸克舉焉其用力可謂勤矣東阿周雲

作者以縱橫一代之才具睥睨古今之識網羅廢隊博問通人窮年互歲成此宏編允爲方志中有數名作其足以裨益史乘者良非淺鮮披覽數四欽佩莫名桐城吳闔生

網羅墜失著爲宏編固是作者所長其尤難能而可貴者則義法謹嚴文詞高潔非學識兼到者不辦饒

陽常墳璋

吾國著述之最易蕪濫者莫如各省之方志白葦黃茅彌望皆是蓋帖括時代樸學罕見閒有淹通則又相率鄙棄而莫肯爲是以典雅詳贍之方志代不數人其有綱目井井詞采彬彬者不問而知爲通人碩學也吾友陳君子衡以所纂西平志見示閱其凡例首輿地次政治又次文獻以迄故實知爲有序之言文徵別行亦徵特識而攷訂詳審文章爾正尤方志中罕見之作彼夏峰之中州人物志固當望而卻步矣鹽山賈恩紱題

西平縣志題辭

堂谿之劍天下雄堂谿陳子人中龍陳子清德縣仲
弓東都氣節開宗風英光炯炯爭長虹一洗鄴北羣
馬空文筆頗效曾南豐詩才亦近徐迪功壯歲議政
趨辟離瑋談殲論震百聒聲如大杵撞洪鐘又如屏
翳門豐隆鱷魚起舞夔彪降古榴一樹花發紅山人
嘯月天動容讀書讀律中疊雙網羅邑故搜殘叢五
運遞興會始終蟪蛄的矚捫心句奮翰褒卑無苟同
元精眎眎貫鴻濛書成不異劍出銘水剽蛟蜥陸剽
熊此樂窟勝徹侯封熒播澤畔解后逢我之逆旅君

鄉邦狂歌叱咤驚天蓬耳邊大爺何轟轟君年及艾
顏尙童我已宣髮先成翁對人骯髒如枯松願君修
罷縣志再修省志再國志一手囊括古今上下是非
成敗南北與西東癸酉春淳安邵瑞彭

國門處士恣橫議把酒狂歌星斗墜貫穿經傳談古
今邀來明月同一醉含咀英華辭鋒烈座客靜聽五
內折耀文辨道寓誠勸班馬紀載相鉤結西平志成
付開雕文樸事覈字瓊瑤整理條目列盛典徧搜祕
籍及民謠

各省縣志頗多名士手筆但不載方言是
一缺點今山人所著西平志增補方言獨

具隻
眼

昔賢刊落多不盡攷合采摭復廣引稽正得失

鏤心肝博考羣書覃精敏斟酌舊乘思折衷馳騁諸

家稱宗工江黃道柏擅形勢明哲迭起揚高風古榴

齋中一山人等身著述希世珍

山人著書計二百八十餘卷

訂文

證獻無苟作平易正直見天真務存簡要資一手蜚

語流言笑黃口屬辭比事質勝華千古前端萬代後

二百四十零六年

西平縣志自清康熙三十年修訂後至今二百四十有六年

纂

修何人姓氏傳經緯治亂邁陽九留教山人續奇編

聞說洛陽紙價貴主張剗劂省浪費

山人著書極端主張刻板不注

重活字板

活字印本多舛乖愆訛顛倒望生畏梨棗孕蠹

杜板無

西平縣志用杜木板較宋元明用棗梨板尤勝

十載心力壓洪吳

洪亮

吉涇縣志刊自嘉慶吳汝綸深州志
成於光緒三志爲縣志中傑作也 褒貶春秋縮大

義要記雅負世楷模一部縣志敵國史刪繁滌穢數
陳子寄語當代諸巨公史官典型賴有此中原學者
動汲古微言妙旨繼鄒魯斯文不喪有誰肩天使山
人爲砥柱癸酉秋萊陽孫巍

西平縣志修輯職名

總纂

陳銘鑑

字子衡號蓮友別號嘯月山人本縣光緒癸卯科舉人

分纂

陳庭蘭

字芷升本縣光緒乙酉科拔貢

栗廉芳

字敬六本縣宣統己酉科拔貢

趙麟紱

字銘閣本縣光緒丙午歲貢

栗雁名

字書閣本縣宣統己酉歲恩貢

陳旣明

字子哲本縣宣統庚戌歲貢

局長

李毓藻

字文軒本縣諸生

陳庭蘭

見上

副局長

焦明揚

字子健本縣諸生

李鴻勳

字功甫本縣法政畢業生

顧問

陳增銳

字平之
邑歲貢

劉照離

字子明
邑廩貢

栗瑞昌

字麟卿
邑廩貢

趙國楹

字魯卿
邑拔貢

朱振玉

字溫如
邑廩貢

陳少卿

字家臣
邑恩貢

焦文炤

字煥亭
邑廩生

楊茂松

字子秀
邑拔貢

採訪員

坊廓

楊毓桐

耿庭方

楊文方

仙侶

孫連科

高桐崗

重渠

陳濟源

樊應舉

永豐

張儀鳳

彭學禮

留冊

楊偉勳

劉景舜

樂業

陳增堦

撫治

榮際春

張之楨

臧廼善

安撫

萬允升

王仿武

新豐

鄭蘭馨

馮廼修

興賢

戴理順

義亭保

劉宗堯

耿廷弼

大堰保

王鼎明

武敬銘

崇教保

張錫祿

趙子雲

儀封保

王金銘

趙啟睿

師靈保

朱培高

謝雲漢

王寨保

李樹敏

譚步雲

常濟保

朱廷輝

鄭良如

范二郎保

袁廷珍

謝建中

里仁保

王集勳

張宗瀛

洪村保

張弼

郭照離

雲莊保

廖崑山

張咸五

劉照離

常海明

覆查員

東區陳同冕

西區謝建中

南區戴理順

北區陳增罈

補查員

焦明揚

鄭長嶺

于碩彥

張鑑藻

張省度

馮學忍

陳潤身

趙從矩

陳鳳池

陳觀鏡

陳子明

陳銘鑄

陳銘貞

劉寶善

陳法良

李鳳至

楊春桐

劉啟漢

李心安

焦天申

繪圖員

焦連鑣

于偉勛

繕寫員

楊銘箴 焦士傑 耿泮林 陳銘鉦 劉永澂

陳嘉謨 陳銘毅 袁思茂 鞠增鉦 陳法廉

王牧鸞 汪慶甲 陳法顥 陳集熙

總校刊員

陳銘鑑

助校刊員

劉永芬 陳法顥